

*argue eum inter te & ipsum solum: si te audierit, lucratus es fratrem tuum.*

*vers. 16. Si verò te non audierit, assume tecum adhuc unum aut duos: & ore duorum aut trium testium confirmetur res tota.*

*vers. 17. Quod si neglexerit eos audire, dic Ecclesie: quod si Ecclesiam audire neglexerit, sit tibi velut Ethnicus & publicanus quispiam.*

*vers. 18. Amen dico vobis, quaecumq; ligaveritis in terra, erunt ligata in caelo: & quaecumque solveritis in terra erunt soluta in caelo.*

QUÆST. 83. Quid sunt claves regni  
cælorum?

RESP. *Prædicatio Evangelij, & Ecclesiastica disciplina, quibus cælum credentibus aperitur: infidelibus autem clauditur.*

QUÆST. 84. Quo pacto aperitur & clauditur regnum cælorum per prædicationem Evangelij?

RESP. *Cùm ex mandato Christi credentibus universis & singulis publicè annuntiatur, omnia peccata ipsis divinitus propter meritum Christi condonari, quoties promissionem Evangelij vera fide amplectuntur: Contra verò omnibus infidelibus & hypocritis denuntiatur, tantisper*

Zz